

CANIDIA,

hoc est,

Venefica,

Fetura Cacodæmonis spurcissimi

ex

Creaturis præpotentiæ divinæ pulcerrimis

nobilissimisq;

facta

spurcissimarum omnium spurcissima;
non peniculo pigmentario, sed Vivo Vocis

Charactere

Ex Lyrici Venusini Epodis V. & XVII

adumbrata,

inq; Theatro

Gymnasii Vratislaviensium Elisabetani

publico

ad contemplandum

XVI Cal. Xbr.

per nonnullos Gymnasii ejusdem Alumnos

proponenda,

curante

JOHANNE GEBHARDO

Anno clō Ioc LI.

WRATISLAVIÆ,

Typis BAUMANNIANIS,

per GOTTFRIDUM GRÜNDERUM.

Lectori benivolo

744422
A. 174051
BK

W

5/1/03

Salutem, Observantiam, Amorem.



Quod *Veneficiorum* inter homines *usus* & *incantamenta* Magica non hornò demum aut annò fuerint excogitata; sed post Orbem penè conditum fatosq; à DEO homines simul confestim enata, & hinc indè, per theatrum hoc, quà patet, universum à Diabolo, infelici horum Parente, diseminata, probare est vel ipsà Pandectarum celestissimarum autoritate, qui hujus generis scelerum inter antiquissima Orbis Conditi vitia haut obscurè meminere. Etiam si namq; non ausim cum Benedicto Pererio asserere, (de Magia l. 1. c. 13.) Magiæ usum salvâ adhuc & integra illibataq; humanæ gentis innocentia in ipso ~~fratim~~ Paradiso videri capisse, cum scilicet Spiritus Cæcodaemon sive formâ amictus serpentina, sive occultè per serpentem, quo usus, genuinum, Parentem nostram primam adortus ad pomi vetiti esum usumq; invitaret; adfirmare tamen habeo, satis antiquam profectò esse illam Magorum Ægyptiorum artem & fascinationem Satanicam, cujus tam sacrorum quàm profanorum Historicorum Coryphæus Moyse in suis meminit Originibus. (c. 40. 41.) Eam igitur *Ægyptii ab Avo* suo, filio Noachi impurissimo *Chamo* [si quis fidem Traditionum non habet sublestam] acceperunt; quem cum Gentilitatis Zoroastre, Magorum Ethnicorum Antesignano, faciunt eundem. De hoc indè Augustinus (l. 21. de C. D. c. 14.) *Solum*, inquit, *Zoroastrem* quando natus est, ferunt risisse, nec ei boni aliquid monstrosus ille risus portendit: nam *Magicarum artium fuisse perhibetur inventor: quæ quidem illi nec ad præsentis vite vanam felicitatem contra suos inimicos prodesse potuerunt, à Nino quippè Assyriorum Rege, cum esset ipse Rex Bactrianorum bello superatus est.* Ut ut igitur Zoroastres iste sive Bactrianorum, veluti præfatus jam Patrum Phosphorus & Diodorus Siculus, sive Persarum Rex, ut Plinius & Diogenes Laërtius censuere, artem hanc nobilitaverit, principem tamen eum Artis hujus propudiosæ fuisse Autorem, Vero haut est consentaneum. Et enim Myriotechnites ille vix potuisset facere, ut

W
103.
ut per ipsorum sexdecim seculorum decursionem nulla horum scelerum ante terrarum cataclysmum sparsisset semina, nulla jecisset fundamenta. Hoc sanè nobis est tam certum, quàm quod certissimum, ex illo Eluvionis tempore incrementa eam cæpisse mirifica, ut Cancellarius ille D E I seculo jam tum suo, hoc est, octavo demum ab Orbe fluctibus submerso, vel ipsa octo *Satanica* hujus nequitia dinumeret genera. (Deut. 18.10.11.) Inter hos autem damnatæ Scientiæ Antistites meritisimo ipsorum principem attribuit locum sedemq; primam iis, quos *Kosemin* sive *Divinos* appellitat, videlicet cum præmodum arcanâ cum Magistello suo communicatione divinent, atq; hinc cæteris Zabolicæ hujus perversitatis Architectis multò astutiores sint, longeq; callidiores: utpotè qui sagaci potius rerum conjecturâ, haut secus ac ipsa prudentiæ quædam quasi corcula, vel ipso etiam Θεοπνεύσω Numinis instinctu, quàm ullâ ratione reprobâ & damnandâ res futuras videantur prænunciare. Ut hinc & Vocem eandem in ipsis Verbi celitus ad nos delati myrotheciis pro Viro cordato, & cui acetum in pectore, offendamus usurpatam. Quemadmodum vero priores illi instar Samii cujusdam Lucumonis qualibet in re divinâ, humanâ, acuti videntur, & veluti Serpens quidam Epidaurius, perspicaces; sicq; verissimè Catones, ut Sentius Augurinus Epigrammate in Plinium (ap. eundem l.4. Ep.27.) de hoc ipso C. Plinio Cæcilio Secundo judicavit: ita quos in alterâ constituit Classe *Meonenim* dictos, Sapientiæ Astronomicæ quidam quasi creduntur Trismegisti, qui, ex mente *R. Akira*, vel dies atq; tempora supputant *Hodiè* inquietes, *pulcrum est egredi, cras bonum negotiari*; vel Corporum celestium virtutes superstitione rimantur atq; hinc de singulis, quæ vitam in hoc sublunari transigunt globo Astronomiæ suæ Canone reddere satagunt rationem, dies certos æquè bonorum ac malorum, tristium lætorumvè constituentes. Ast ut *Astronomia scientia meritisimo suo nobilis habetur & gloriosa si clientelam suam intra moderationis metas cohibeat: ita si hanc licentiore vanitate excedit, non tam Philosophia species, quàm impietatis audit decipula*. Tales itaq; Pseudo-Mathematici olim quoq; erant *Augures, Sacerdotes apud Romanos amplissimi, & quorum collegium vel*

maximè erat solemne. Hos deindè Signiferos, quos ex Dircæo Vate haut invenustè diceret *Ναξίαν πέτρας ἐν ἄλλαις χαλκοδάμαν ἀκόναν* (Pind. Isthm. 5. Ep. 2.) i.e. Naxiam inter alios lapides æris domitricem cotem, excipiunt *Menachesi* sive Magi, qui & ipsi ab Orcivo suo Didascalo Divinationes varias edocti, certis figuris characteribusq; additâ insuper Verborum quorundam superstitionis demurmuratione artem olim suam exercuerunt. Quorum tanta quondam sentina fuit & colluvies, ut, qui diversissimo huic Satanicæ Superstitionis generi erant addicti, verè *Λέγνη κακῶν*, ipsa verò Ars Hydra illa ex Typhaone & Echidna prognata, inq; Herculis odium à Junone enutrita, potuerit nuncupari. Nimirum quia

Non hydra secto corpore firmior

Vinci dolentem crevit in Herculem,

ac hæc artium pestilentissimarum abysus scelus subindè ex scelere protulit. Etenim Magiæ hujus Suboles fuit tum *Aëromantia*, quæ Spectrorum in aëre se offerentium monitu augurabatur futura: tum *Alphitomantia*, quæ è farinâ vaticinabatur: tum *Axinomantia* sive Divinatio per securim vel asciam: tum *Belomantia*, cum misæ in pharetram sagittæ nominibus singulorum prius inscriptis commisceantur, ut quod prius oppidum foret expugnandum, indè fieret palam. Sic ejusdem matris feracissimæ proles quoq; fuit *Botanomantia*, cujus germana quasi soror *Sycomantia*, quarum illa è salviæ, hæc ex ficuum foliis sub dio collocatis, divinavit. His accessit & *Coscinomantia*, è cribro vaticinans; & *Ceromantia*, quæ nomini fertur Turcico etiam numesse per familiaris, & *Crystallomantia*, è crySTALLIS fabrefactis atq; expolitis, perindè ut *Catoptromantia*, è nitidis tersisq; speculis; & *Dactylomantia*, quali Lydorum Rex Gyges usus perhibetur, ita ut, simul palam annuli converteret in palmam, videretur ab homine nemine, ipse verò contueretur quicquid vellet. Pari quoq; ratione huc spectat *Ichthyomantia*, quæ ex piscibus prædixit futura; & *Hydromantia*, plurimis diversissimisq; exercita modis & *Lecanomantia*, quâ in pelvim aquis plenam certæ impositæ sunt lamnæ, gemmæ item characteribus certis signatæ, additis pro more verbis, quibus Dæmonium advocatum exili voce instar sibili ex aquis emergentis

gentis ad quæſita reſpondit. Nec minus huc referenda *Pyromantia*, ſ. Igniſpicium, & *Spondylomantia*, quæ ex vertebrarum in humano Corpore inſpectione futura prænunciavit: item *Tephramantia*, ſive Vaticinium è Cinere factum: & plures longè hujus furfuris technæ, ut vaniſſimæ fraudulentiffimæq; ita nec minus peſtilentes atq; pernicioſæ.

Sic neq; Commatis melioris ſunt *Mecacephim* ſive Præſtigiatores & Fascinatores è quorum grege Satanicilli Pharaonis, qui meritis egerunt incantationibus oculorumq; illuſionibus. Atq; hos quatuor quidem Genii Orciniani abortûs ille mundi naſcentis Hiſtoricus Paragrapho recensuit decimo; quibus ſequenti undecimo tot ſubjicit alios, eodem tamen in ludo doctos, καὶ τῆς αὐτῆς κερκυμείας ejusdemq; ſiglinæ Mirmillones, improbitate quidem & malitiâ adeò inter ſe geminos, — — uti non

Compoſitus melius cum Bitho Bacchius.

Prima igitur horum ſactio vocatur *Choberim* ſive Veneficorum, qui vel tempeſtates artibus ſuis excitare, vel jumenta, aut homines quoq; ipſos fascinationibus ſuis lædere præſumunt. Quanquam, nè quid diſſimulem, Stridonenſis ille Epiſcopus Hieronymus præcedanæ Claiſis Satanicos hac ipſâ ornat Nomenclaturâ, dùm, *Et maleficos*, inquit, *quos vel Veneficos poſſumus appellare, vel Demonum phantasmatibus ſervientes; qui Hebraicè dicuntur Cascephim.* At cum Nauſon hic cum Naucræte planè componatur, itaq; omnes quoq; hi ſub unam, quod dicitur, Myconum jure deferuntur.

Ἔγνω ὃ Φῶρ τε Φῶρα, καὶ λύκον & λύκον.

Ejuſdem dein Crobyli jugum trahere idem æterni DEI Legislator ait eos, qui conſulunt *Obh*, hoc eſt, qui vel *Spiritum πάρεδρον* ſive familiarem certis incluſum cataſtis ſecum ferunt, vel eundem, quoties opus, accerſunt, & inprimis, qui Gentilitatis olim Oracula iverunt conſultum, quæ ſi non omnia, pleraq; certè ad hoc *Pythiorum* genus & *Phæbadum muliercularum* referenda. Ea verò nomenclatione Utris [quem Vox Hebræorum antè laudata indigitat] gaviſa procul dubio ſunt, vel quod hominis Dæmone Pythio inflati venter ad inſtar utris turgereſceret, & immundus ille Spiritus exinde

Oracula sua pronuntiaret, ita ut vocis sonus inde fieret oppidò depressus, haut aliter ac si è spelæo quodam subterraneo adscenderet; vel quod ipse Dæmon Pythonicus obscurè & velut ex utre loqueretur. Oracula verò talismodi Satan non clàm & secretò inter Gentes à vero Israëlīs Deo alienas edidit; sed ea palàm furoribusq; manifestis, quanquam discrepantibus tot fermè modis, quot horum recensentur, hinc indè celebravit. Undè *Oraculum ad Dodonam*, amplissimam vetustissimamq; Molossidis in Epiro Urbem quercubus vocalibus celebre: undè *Jovis Hammonis* in extimo Libyæ apud Garamantas sinu, in quo idolum pelle amictum hircinà, hircinoq; capite cultum; ambæ sedes Oraculorum præ reliquis vetustissimorum. Undè & cultu, religione, opibus atq; donariis præ ceteris nobile *Pythium* Delphis, in ipso Orbis, ut credebatur, umbilico: undè *Apollinis Didymæi* sive *Branchidarum*, quod opibus Pythio haut fertur concessisse. Unde præterea *Lycium Patarei* atq; *Delium* simul ac

- - - - Hibernam Lyciam Xanthiq; fluenta

Deferuit, Delum & maternam invisit Apollo.

[Æn. 4. 143.]

Undè *Amphiarai* Vatis Oraculum in Atticâ religiosissimè semper à Cultoribus suis habitum: unde geminum *Trophonii*, alterum quidem *Thebæ*, alterum in ejusdem Bœotix regione *Labadiâ*. Undè deniq; innumera fermè alia, putà *Thracium Patris Liberi*, *Asiaticum Martis*, *Ægyptiacum Serapidis*, undè *Curetum* sive *Corybantum Cybelæ Dindymenes*, atq; alia gentium aliarum, quæ vel fucosâ Veritatis specie mala teterrima invexerunt, vel cultûs idololatricos, & commentitiam de diis pluribus persuasionem stabilierunt, vel sceleratissima quæq; facinora, fœdas libidines, rapinas, cædes, Tauricas aras, aut alia his non meliora à Cultoribus suis exegerunt. His itaq; præterea ille Dei de Proximo Arbitræ subijcit *Fidæonim* sive *Ariolos*, qui non à se conquisitis, sed sibi fortuitò objectis rebus sunt vaticinati: quales seculo hoc nostro *Chiromantii somniorumq; Conjectores*; in Paganismo olim *Extispices* atq; *Oscines*, qui vel ab extis conspectis, vel ex alitis volatu, vel è cantu sinistro oscinis, vel è tripudiis etiam sollistimis augurabantur. Atq; hunc *Amphictyonum* scilicet confessum Autor tandem *Pentateuchi* concludit *Capaneis* contubernio hoc dignis, *Necromanticis* putà: qui sacrificiis solenniritu institutis Manes se demortuorum, diris actos, ab inferis sibi persuadebant reducere. Undè & *Psychagogi*, & *Psychopompæi*; loca verò, ubi defunctorum animæ credebantur prodire *Necyomantèa* vel *Psychopompæa* audierunt. Quorum profectò non multò pauciora ipsis observata sunt Oraculis. *Necyomantèum* quippe hujusmodi fuit *Cimmerium*, ad lacum Campaniæ Avernum, quod *Ulysses* Homericus *Tiresiam* consulturus adiit: tale *Thessprotium*, quod ad Aorrum *Orpheus* revocando suam *Eurydicen* nobilitavit: tale *Heracleum* ex *Laconis* *Pausaniæ* historia cognitum: tale quoq; *Tarentinum* ad Tiberis ripas: tale insuper fingitur à *Marone Cumanum*, quod *Æneas* consuluit: tale apud *Lucanum Erichthûs*,
quæ

quæ Sexto Pompejo pugnae Pharsalicæ denunciavit exitum: tale deniq; βδέλυγμα, quod primum fortè meruisset locum, mulieris in *Endor*, à primo Israëliti-
cæ gentis Rege Saul consultum. Horum itaq; singulorum si quis præstigias tot
tamq; diversas ex omnibus Antiquitatis eruditæ ruderibus, & traduce Avorum
vetustissimorum sermone, variisq; famæ item rumoribus vellet colligere,

- - - Libyci velit æquoris idem

Discere, quàm multæ Zephyro turbentur arenæ.

Quin immò si quis Classis duntaxat illius, quam *Veneficorum Strigum atq; Lami-
arum* hic Propheta non minus ac Dux Israël sanctissimus in Ordine describit
quinto, & qualem nobis sub personâ Canidiæ Lyricus noster in geminis V. & ul-
tima proponit Epodis, cunctas colligere fascinationes fatagat, næ is pariter
unâ eademq; operâ

καὶ τὴν λίβυσσαν ἐξαεθλήσῃ κόνιν.

Quoniam verò rumor non ἀδέσποτος, sed idem creberrimus certissimusq;
iterum hætenus ad nos iterumq; detulit quod in ipsa cheu! *Silesiâ* quoq; nostra
in proclivi sit lolii hujus haut exiguam metere messem, qui ea propter & flammis
infelicibus hinc inde ustulati largam de se Gregalibusq; suis in omnibus ferme
Circulis, balneis, conviviis disferendi præbuerunt materiam; quæ cum aliqua
Actus publici συζήσῃ non indigna mihi fuerit visa, inde nonnullis Gymnasii
nostri Ephebis *Celeustes* quidam atq; *Autor* extiti, ut in hac ipsa materiâ, solo ta-
men Fideicinis nostri [cujus Epodæ V. & XVII. paucis ante septimanis publicè
à me fuerunt pertractatæ] ductu, viriculas suas experirentur, eandemq; Decla-
matiunculis καδδύναμιν delineatam Auditorio sisterent. Vos igitur, *Viri Magni-
fici, Nobilissimi, Strenui, Amplissimi, Perquam Reverendi, Excellentissimi, Consultissimi,
Experientissimi, Clarissimi, Doctissimi, Humanissimi, Domini, Pautores, Patroni, Amici
observandi*, uno mecum ore omnes veniunt oratum, ut si per negotia alia fieri po-
te, Exercitiis his ipsorum palæstricis interesse nè dedignemini: grandem non à
nobis modò, sed ipsi quoq; illis Theologis, quorum Filii in scenam hic prodi-
bunt, inituri gratiam. Etenim si pagana Romanorum veterum pietas frugum
suarum proventus antè non degustavit, quàm harum primitias *Mytis* suis obtu-
lisset libandas, quanto potius nos, qui ejurato Ethnicæ Superstitionis cultu ve-
rum illum vivumq; Deum deveneramus, in tam fervido Zelo eodem imitamur.
Consideranti proinde hæc in novum Ordinem, & Gymnasii quidem nostri pri-
mum mihi recepto in mentem venit, pietatis quoq; meæ fore, ut à domo Domi-
ni auspiciatus quas *Venerabili Mystrarum nostrorum Clero* studiorum non possum dica-
re primitias, easdem horum ego delibem Filiis: cum scilicet & ἡ Φύσις, ex sen-
tentiâ Synesii, Φιλόπτερον, & Liberis olim ex Offerumentis licium proliba-
re. P. P. XVII. Cal. Xbr. cl. Ioc. LI.

Sciagraphia tum Dicendorum, tum Dicturorum.

I. Prologus, Johannes, R. Martini Hofmanni Pastoris in Hartendorff dignissimi
Filius, pauca quaedam, An sint Venefici? praefatus audiendi captabit benivolentiam.

II. Medii exhibebunt

1. Epodas Horatii geminas, sub Personâ

1. Poëtae Johannes Christophorus R. Christophori Thummisii P. in agro
Schebis fidelissimi.

2. Pueri Praetextati Jonas R. Johannis Gebaueri in pago Massel P. olim b. m.

3. Canidia Johannes R. Johannis Richteri P. Ecclesiae Strisanae & Sponsber-

2. Satanicorum Maleficorum.

(genae probatissimi.

1. Nomina

1. Masculorum Johannes Cornelius Excell. Dn. D. Ananiae VVeberi P.
nostri devenerandi.

2. Feminarum, Christianus τῆ μακαρίῃ M. Joachimi Fleischeri P. an-
te hac nostri optime emeriti.

2. Rem ipsam, quoad

1. Causas Valentinus Pl. R. M. Georgii Seidelii Praepositi hic Neapolita-
ni bene merentissimi.

2. Effecta mirabilia ductu Epodorum tractanda. An scilicet

1. Verbis & Characteribus, signis & Ceremoniis quicquam efficiant?
Johannes Perr. M. Johannis Frimelii Ecclesiae nostri prae-
clare merentis.

2. Herbis aliisque rebus aliquid praestent? Georgius R. Georgii Dube-
lii Diaconi olim Milicensis b. m.

3. Philtrum possint parare? Johannes R. M. Salomonis Steyeri ad
11000 Virginum P. fidelissimi.

4. Mortuos ab Inferis excitent? Valentinus R. Melchioris Som-
meri P. olim in Groß- und Wenigwaldis τῆ νῦν ἐν Ἀγίους.

5. Cereas imagines moveant? Abrahamus R. Abrahami Bogesii
P. quondam in Schampf b. m.

3. Epodas easdem Germanicâ paraphrasi versas repetent, sub Personâ

1. Poëtae Paraphrastes Martinus R. M. Johannis Hannkii ad D. Barbaræ P.
vigilantissimi.

2. Praetextati Christoph. Gottlieb Excell. Dn. D. Christophori Schlegelii
P. in Hungaria Leutschoviensis multò laudatissimi.

3. Canidia Johannes R. Johannis Janischii in agro Jeschkittel P. meritisimi.

III. Epilogus Auditorio gratias acturus V Volgangus R. Danielis Silberi b. m. olim
in pago Werbisdorff F.

